

# Studieforbundet kultur og tradisjon

Vedtekter vedteke på ekstraordinært årsmøte 28.11 2022 (nynorsk)

## §1. FORMÅL

1. Det skal vera mogleg for alle som bur i Noreg å bli kjent med og å lære kulturuttrykk og folkelege tradisjonar i skapande og trygge fellesskap.
2. Studieforbundet kultur og tradisjon set det skapande mennesket i sentrum ved å legge til rette for:
  - personleg utvikling og læring på eigne premiss
  - oppleving av levande kulturtradisjonar
  - bevisstgjerjing om mennesket som ein del av ein økologisk heilskap
  - erfaring med demokratisk organisasjonspraksis

## § 2. VERKSEMDSIDÉ

1. Studieforbundet kultur og tradisjon skal organisere og legge tilhøva til rette for folkeopplysing og opplæring i medlemsorganisasjonane innanfor ramma av Lov om Voksenopplæring. Hovudkontoret for Studieforbundet kultur og tradisjon ligg i Vågå kommune.

## §3. MEDLEMSKAP

1. Medlemmar i Studieforbundet kultur og tradisjon er nasjonale og /eller regionale ideelle organisasjonar som virkar i samsvar med formål og verksemdsidé til Studieforbundet kultur og tradisjon. For å bli medlem, må organisasjonane vera demokratisk oppbygde.
2. Søknadar om medlemskap blir avgjort av styret. Søknadar frå organisasjonar som flyttar frå eit anna studieforbund skal avgjerast av årsmøtet.
3. Medlemsorganisasjonar som ikkje har hatt kurs i dei siste tre åra vil misse statusen sin som medlemmar. Det er årsmøtet som tek avgjerda, etter innstilling frå styret.
4. Organisasjonar som på eige initiativ ønskjer å melde seg ut av Studieforbundet kultur og tradisjon må gjere dette skriftleg innan 1. februar året før medlemsskapet er går ut. Ved mislegghald av offentlege midlar, eller brot på reglar og vedtekter, kan vedkommande organisasjon ekskluderast. Eksklusjon blir avgjort av årsmøtet.

## §4. ÅRSMØTET

1. Studieforbundet kultur og tradisjon sitt høgaste organ er årsmøtet.
2. Medlemsorganisasjonane oppnemner delegat med vara til årsmøtet. Stemmene blir vekta etter innrapporterte kurstimar.

0 – 1.000	1 stemme
1.001- 5 000	2 stemmer
5.001 - 10.000	3 stemmer
10.001 - 20.000	5 stemmer
20.001 - 40.000	7 stemmer
40.001 - 60.000	9 stemmer
meir enn 60.000	10 stemmer

Styret møter på årsmøtet med tale- og forslagsrett, men har ikkje stemmerett.

3. Årsmøtet blir halde innan utgangen av mai månad. Organisasjonane skal ha varsel om tidspunkt og stad for årsmøtet innan 1.mars og seinast to månader før møtet blir halde. Sakspapir til årsmøtet skal vera utsenda seinast 4 veker før møtedato.  
Årsmøtet handsamar følgjande saker:
  1. Styrets årsmelding
  2. Revidert rekneskap
  3. Søknadar om medlemskap
  4. Strategi og verksemdsplan
  5. Budsjett med fastsetting av kontingent
  6. Innkomne forslag og ev. vedtektsendingar
  7. Saker frå styret
  8. Val
    - a. Styret etter fastsett turnus jf § 5.2
    - b. Statsautorisert/registrert revisor for 1 år
    - c. Valkomiteé jf § 6
4. Forslag til årsmøtet frå medlemsorganisasjonane skal vera styret i hende seinast to månadar før årsmøtet eller til den frist styret set. Sjå elles § 10 om forslag til vedtektsendingar.
5. Ekstraordinært årsmøte blir innkalla av styret, eller når 1/3 av medlemsorganisasjonane krev det. Medlemsorganisasjonane må få varsel om ekstraordinært årsmøte med frist på fire veker. Saksdokument må sendast seinast to veker før møtet.

## **§5. STYRET**

1. Styret består av sju medlemmar med to varamedlemmar. Styremedlemmane blir vald for to år.
2. Leiar og nestleiar blir vald ved særskilde val, og skal vera på val kvart sitt år. Varamedlemmane blir vald for eitt år om gongen.
3. Styret er utøvande organ for Studieforbundet kultur og tradisjon, og skal utvikle drifta med basis i § 1 Formål og § 2 Verksemdsidé og årsmøtets vedtak. Styret skal ha minst fire møter i året.
4. Styret er vedtaksført når over halvparten av styret er til stades. Avgjerslene gjer styret ved vanleg fleirtalsvedtak. Ved stemmelikheit har styreleder dobbeltstemme.
5. Dagleg leiar er sekretær for styret og møter i styret med tale- og forslagsrett.
6. Styret kan nemne opp arbeidsutval og særskilte utval. Styret har arbeidsgjevaransvar.

## **§6. VALKOMITEEN**

Valkomiteen består av tre medlemsorganisasjonar der ein organisasjon er på val kvart år. Medlemsorganisasjonane vel sjølv kven dei vil vera representert med i valkomiteen. Styret kan utarbeide arbeidsskildring for valkomiteen.

## **§7. MÅLFORM**

Studieforbundet kultur og tradisjon nyttar dei to målformene i organisasjonen, og skal veksle mellom målformene så dei blir brukt omtrent like mykje. Verksemdsplanen skal innehalde eit punkt om korleis ein skal oppnå denne likestillinga.

## **§8. STUDIEFORBUNDET KULTUR OG TRADISJON I FYLKA**

1. Studieforbundet kultur og tradisjon skal ha fylkesledd i alle fylke der Studieforbundet kultur og tradisjon eller medlemsorganisasjonane arrangerer vaksenopplæring/studieringar.
2. Studieforbundet kultur og tradisjon i fylka arbeider i samsvar med vedtektene for Studieforbundet kultur og tradisjon i fylka, og arbeidsplaner i Studieforbundet kultur og tradisjon vedteke av årsmøtet. Dersom

eit fylkesledd i Studieforbundet kultur og tradisjon ønskjer avvik frå mønstervedtektene for fylkesledda, skal dette godkjennast av styret i Studieforbundet kultur og tradisjon.

3. Styret til Studieforbundet kultur og tradisjon kallar inn representantar frå fylkesleddet etter behov.

## **§ 9. VEDTEKSENDRINGAR**

1. Framlegg til endring av vedtektene må sendast innan 1. januar. Styret må sende dei innkomne framlegga til medlemsorganisasjonane seinast to månader før årsmøtet.
2. Vedtektsendring krev 2/3 fleirtal på årsmøtet

## **§10. OPPLØYSING**

Spørsmål om oppløysing av Studieforbundet kultur og tradisjon kan berre handsamast på årsmøtet.

Framlegget må sendast styret innan 1. januar. Det krev 2/3 fleirtal for at saka skal kunne visast til endeleg handsaming på eit ekstraordinært årsmøte, halde innan tre månader. Vedtak om oppløysning krev 3/4 fleirtal. Ved oppløysing skal eventuelle eigedelar gå til nærliggande formål. Valg av formål skal avgjerast av årsmøtet.